

ЭЛВГ ХОТ-БЕЛДДЖАНÄВДН

Мана совхозин партийн организа-
цин гардвар, долан джилин түрүн
джилд мал өсклгнэ төриг күүмдж
тэггяр кедж күүдвдн. Келхд, эн
джил мана совхоз государствд ноос
хуудлгна зурагъан 121,3 процент,
мах хуудлгна зурагъан 101,9 про-
цент күүдв.

Совхозин өсдж йовх малд хотин
бат көрнөг белддж авхин кергт 2180
гектар намрин тэрэ тэрвдн, эс гидж
зурагъан 106 процент күүдвдн. На-
мрин тэрэ тэригнэ күүлмишг агро-
техническ өөдм чинртэггяр кедж күү-
двдн. Дакад хаврин тэрэ тэригнэ
3989 гектар зябь болн 1500 гектар
хар пар хагълдж белдвдн. Зябь болн
хар пар хагъллгнэ күүлмишг цагла-
нь хагълдж дуссн дару хурчиг икяр
орад, газрт икяр шингүрджәнэ.

Зябь болн хар пар икяр белдсн
учрар хавртан тэрмр өвс болн эрдни-
шиншэ икяр тэрдж, өөдм ургыц авч
болджана. Намрин тэрэ тэригнэ,
зябь болн хар пар хагъллгнэ күүл-
шт 1-ч номертэ тракторн бригад
(бригадирнь Иван Иванович Улыбин)
совхозд түрүн орм эзлв. Эн бригад
950 гектар намрин тэрэ тэрх зура-
та бääсн болхла, терүгән давуудж
күүдв, дакад 1868 гектар зябь болн
386 гектар хар пар хагълв.

2-ч номерта тракторн бригад 1-ч
номертэ тракторн бригадас ард үлддж
йовхми уга. Эн бригад 550 гектар

намрин тэрэ тэрх бääсн болхла, 800
гектар тэрв, зябь хагъллгнэ зурань
600 гектар бääсмн, терүгән давуудж
күүдвдн, 1000 гектар хагълв, өнүн
деер 441 гектар хар пар хагълв.

Намрин тэрэ тэригнэ, зябь болн
хар пар хагъллгнэ күүлмишт 1-ч но-
мертэ тракторн бригадин механизатор-
муд селгәнэ кемджэггән давуудж
күүдв. Келхд, механизатормуд үр
Анатолий Подгорный, Иван Цыба,
Анатолий Васильченко, Степан Вась-
ко ДТ-54 тракторар өдртән 70—75
гектар намрин тэрэ тэрджäv. Дакад
зябь болн хар пар хагъллгнэ өдрэ
кемджэггән 150 процент күүдв. 2-ч
номертэ тракторн бригадин механизатор-
муд ДТ-54 тракторар өдртән
80—85 гектар намрин тэрэ тэрджäv.

Ирх джилд 1142 гектар газрин
аггуд тэрмр өвс, 2750 гектар эрдни-
шиншэ тэрхяр темдгджәнävдн. Хаврин
тэрэ тэригнэ күүлмишг ахр бол-
згт, агротехническ өөдм чинртэггяр
күүдвдн. Хаврин тэрэ тэрх газрт
2300 тонн өтт, 20 тонн минеральн
удобрень зөөдж цацхвдн.

Тегэд ирх джилд совхозин малд
икяр тэрмр өвс, силос болн концен-
трированц хот-хол белддж авхин тө-
лэ совхозин цуг механизатормуд күү-
чн-чидлән нөл уга күүлхнь лавта.

И. И. ТНАЧЕНКО,
Совхозн ах агроном.